

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Broj: 01-04-3462

Bihać, 21.06.2022. godine

Na osnovu člana 183. stav (2) Poslovnika Gradskog vijeće Bihać („Službeni glasnik Grada Bihaća“, broj: 3/16 i 4/20) i člana 52. tačka a) Statuta Grada Bihaća („Službeni glasnik Grada Bihaća“, broj: 13/15 i 13/18), Gradonačelnik u svojstvu predlagača propisa i drugih akata

O D R E Đ U J E

Izvjestioca: Elmedina Mehadžića, šefa odsjeka za mjesne i vjerske zajednice u Službi za poslove kabineta i mjesne zajednice po prijedlogu tačke dnevnog reda:

*Prijedlog Odluke o
potvrđivanju rezultata ponovnih izbora u Mjesnoj zajednici Mali Lug*

Po ovlaštenju gradonačelnika
Rješenje br. 02/1-30-3257/22 od 10.06.2022.g
Jasmina Ćoralić

BOSNA I HERCEGOVINA
FEDERACIJA BOSNE I HERCEGOVINE
UNSKO - SANSKI KANTON
GRAD BIHAĆ
GRADONAČELNIK

Broj: 01-04-3462

Bihać, 21.06.2022. godine

Gradsko vijeće Grada Bihaća

PREDMET: Prijedlog Odluke potvrđivanju rezultata ponovnih izbora u mjesnoj zajednici
Mali Lug, dostavlja se, -

U skladu sa odredbama člana 52. tačka b) Statuta Grada Bihaća („Službeni glasnik Grada Bihaća“, broj: 13/15 i 13/18) i člana 140. Poslovnika Gradskog vijeća (“Službeni glasnik Grada Bihaća”, broj: 3/16 i 4/20), dostavljam vam na usvajanje prijedlog Odluke o potvrđivanju rezultata ponovnih izbora u mjesnoj zajednici Mali Lug, uz sljedeće:

O b r a z l o ž e n j e

I – Pravni osnov

Pravni osnov za donošenje Odluke o potvrđivanju rezultata ponovnih izbora u mjesnoj zajednici Mali Lug, sadržan je u:

- članu 92. stav (1) Statuta Grada Bihaća („Službeni glasnik Grada Bihaća” broj 13/15 i 13/18) kojim je propisano da Gradsko vijeće donosi odluku o potvrđivanju rezultata izbora u mjesnim zajednicama u roku od 30 dana od dana održavanja izbora.
- članu 35. tačka c) Statuta Grada Bihaća („Službeni glasnik Grada Bihaća“, broj: 13/15 i 13/18) kojim je utvrđena nadležnost Gradskog vijeća za donošenje odluka i drugih općih akata kojima se uređuju pitanja iz samoupravnog djelokruga grada i daje njihovo tumačenje,
- članu 29. stav (1) Odluke o raspisivanju izbora u mjesnim zajednicama („Službeni glasnik Grada Bihaća“, broj: 2/22) kojim je propisano da Gradsko vijeće donosi odluku o potvrđivanju rezultata izbora u mjesnim zajednicama u roku od 30 dana od održavanja izbora.

II – Razlozi za donošenje odluke

Razlog za donošenje predložene Odluke je potvrđivanje rezultata ponovnih izbora u mjesnoj zajednici Mali Lug koji su održani dana 18.06.2022. godine sa ciljem omogućavanja kontinuiteta u radu mjesne kako bi građani putem savjeta mjesne zajednice mogli odlučivati o poslovima značajnim za život i rad.

III- Pojašnjenje prijedloga

Gradsko vijeće Grada Bihaća na sjednici održanoj dana 30.05.2022. godine donijelo je Odluku o povrđivanju rezultata izbora u mjesnim zajednicama i ponavljanju izbora u Mjesnoj zajednici Mali Lug, br. 01-04-114 od 30.05.2022. godine.

Donesenom Odlukom kao datum održavanja ponovnih izbora u Mjesnoj zajednici Mali Lug određen je 18.juni 2022. godine uz konstataciju da se izbori imaju provesti na osnovu istog izvoda iz Centralnog biračkog spiska za mjesnu zajednicu Mali Lug koji je korišten i prilikom provođenja izbora u mjesnim zajednicama dana 23. i 24. aprila 2022. godine i na osnovu iste kandidatske liste koja je već ovjerena za predmetne izbore i od strane biračkog odbora u sastavu koji je proveo izbore 23.04.2022. godine u pomenutom mjesnoj zajednici.

Izbori su održani na predviđeni datum i na istima je učestvovalo 16 kandidata, a birano je pet članova savjeta mjesne zajednice. Na izbore je izašlo 282 birača.

Kako su izbori provedeni uz poštivanje Odluke o provođenju izbora u mjesnim zajednicama („Službeni glasnik Grada Bihaća“ br. 2/22) i Uputstva o načinu rada biračkih odbora u postupku izbora članova savjeta i predsjednika mjesnih zajednica broj: 01-04-1138 od 22.03.2022. godine te se predlaže Gradskom vijeću donošenje Odluke kojom će se potvrditi rezultati ponovnih izbora u Mjesnoj zajednici Mali Lug.

III – Finansijska sredstva

Za realizaciju ove Odluke nisu potrebna dodatna sredstva.

IV- Prijedlog

S obzirom na navedeni pravni osnov i razloge donošenja predlažem da Gradsko vijeće predloženu Odluku razmotri i usvoji u prezentiranom tekstu.

Prilog:

- Izvještaj Komisije o provođenju izbora u mjesnim zajednicama br. 01-04-63-2/22 od 20.06.2022. godine.

Po ovlaštenju gradonačelnika
Rješenje br. 02/1-30-3257/22 od 10.06.2022.g
Jasmina Ćoralić

Dostavljeno:

1. Naslovu
2. Evidencija
3. a/a

Na osnovu člana 92. stav (1) Statuta Grada Bihaća (“Službeni glasnik Grada Bihaća” broj: 13/15 i 13/18), člana 35. tačka c) Statuta Grada Bihaća („Službeni glasnik Grada Bihaća“, broj: 13/15 i 13/18) i člana 29. stav (1) Odluke o raspisivanju izbora u mjesnim zajednicama (“Službeni glasnik Grada Bihaća” broj: 2/22), Gradsko vijeće Grada Bihaća, na _____ sjednici održanoj dana _____ godine, donijelo je:

O D L U K U

o potvrđivanju rezultata ponovnih izbora u Mjesnoj zajednici Mali Lug

Član 1.

(1) Na osnovu izvještaja biračkog odbora o rezultatima glasanja, ovom Odlukom potvrđuju se rezultati ponovnih izbora u mjesnoj zajednici Mali Lug koji su održani dana 18.06.2022. godine.

(2) Rezultati ponovnih izbora dati su u Aneksu I ove Odluke i čine njen sastavni dio.

Član 2.

(1) Mandat predsjednika i članova savjeta mjesne zajednice Mali Lug traje do isteka mandata članova savjeta izabranih Odlukom Gradskog vijeća broj: 01-04-114 od 30.05.2022.godine o potvrđivanju rezultata izbora u mjesnim zajednicama i ponavljanju izbora u Mjesnoj zajednici Mali Lug.

(2) U roku od 15 dana od dana stupanja na snagu ove Odluke održat će se konstatirajuća sjednica savjeta mjesne zajednice Mali Lug na kojoj će se izvršiti primopredaja dužnosti između starog i novog rukovodstva mjesne zajednice.

(3) Od dana konstituisanja savjeta mjesne zajednice Mali Lug, predsjednik i članovi savjeta mjesne zajednice stiču prava i dužnosti utvrđena Statutom Grada Bihaća i Statutom mjesne zajednice.

Član 3.

Danom stupanja na snagu ove Odluke prestaje mandat dosadašnjem predsjedniku i članovima savjeta mjesne zajednice Mali Lug.

Član 4.

Ova Odluka stupa na snagu osmog dana od dana objavljivanja u Službenom glasniku Grada Bihaća.

Broj: _____
Bihać, _____ godine

Predsjedavajući Gradskog vijeća
Handukić Zulfikar

ANEKS I

ANEKS II – Rezultati izbora u Mjesnoj zajednici Mali Lug

MZ MALI LUG (5 članova savjeta)			
RB	Ime (ime jednog roditelja) prezime	Status	Broj glasova
1.	Elvir (Vehbija) Čavkić	predsjednik	145
2.	Šefik (Mustafa) Kličić	član savjeta	125
3.	Almin (Enver) Keranović	član savjeta	115
4.	Sanela (Suljo) Begić	član savjeta	109
5.	Senad (Sead) Zulić	član savjeta	100

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ

Komisija za provođenje izbora u mjesnim zajednicama

Broj: 01-04-63-2/22

Bihać, 20.06.2022. godine

IZVJEŠTAJ
o provedenim ponovnim izborima u mjesnoj zajednici
Mali Lug

Bihać, juni 2022. godine

Gradsko vijeće Grada Bihaća, na sjednici održanoj dana 30.05.2022. godine, donijelo je Odluku o potvrđivanju rezultata izbora u mjesnim zajednicama i ponavljanju izbora u Mjesnoj zajednici Mali Lug broj: 01-04-114.

Članom 2. pomenute Odluke utvrđeno je da će se u Mjesnoj zajednici Mali Lug održati ponovni izbori za članove savjeta i predsjednika mjesne zajednice zbog toga što od strane biračkog odbora nisu ispoštovana pravila i postupak provođenja izbora utvrđena u Odluci o provođenju izbora u mjesnim zajednicama („Službeni glasnik Grada Bihaća“, broj: 2/22).

Istom Odlukom utvrđeno je da će se ponovni izbori za članove savjeta i predsjednika mjesne zajednice održati na način i po postupku utvrđenom Odlukom o raspisivanju izbora u mjesnim zajednicama u roku od 30 dana od dana stupanja na snagu Odluke broj: 01-04-114.

Kao datum održavanja ponovnih izbora određen je 18.06.2022. godine i isti će biti provedeni na temelju istog Izvoda iz Centralnog biračkog spiska za mjesnu zajednicu Mali Lug i na osnovu iste kandidatske liste i od strane biračkog odbora u istom sastavu koji je proveo izbore 23.04.2022. godine.

Zadatak Komisije za provođenje izbora ogledao se je u:

- organiziranju i sprovođenju izbora za članove savjeta i predsjednika mjesnih zajednica
- utvrđivanju konačnih kandidatskih lista
- određivanju biračkih mjesta
- koordiniranju aktivnosti u vezi sprovođenja izbora
- izdavanju akreditacija posmatračima u izbornom procesu
- pružanju stručne pomoći biračkim odborima u procesu provođenja izbornih aktivnosti
- vršenju nadzora nad radom biračkih odbora
- davanju uputa i pojašnjavanju načina glasanja
- nadziranju primjene Uputstva o načinu rada biračkih odbora
- obavljanju i drugih poslova u vezi sa izbornim postupkom koji nisu stavljeni u nadležnost biračkih odbora.

U svom radu, Komisija za provođenje ponovnih izbora u mjesnoj zajednici Mali Lug, održala je dvije radne sjednice.

Na dane izbora, članovi biračkih odbora, od Komisije za provođenje izbora u mjesnim zajednicama, preuzeli su pripremljen izborni materijal te su biračka mjesta otvorena na vrijeme.

Izborni proces popraćen je i uz prisustvo tri ovlaštena posmatrača kojima je izrađena i dostavljena akreditacija, a po blagovremeno podesenim prijedlozima zaprimljenim u Službi za poslove kabineta i mjesne zajednice. Za vrijeme izbornog procesa nije bilo primjedbi na rad biračkih odbora.

Za potrebe provođenja izbora u mjesnim zajednicama od strane Gradske izborne komisije izuzete su plastične glasačke kutije i plastični pečati te su članovi Komisije za provođenje izbora iste postavili na biračka mjesta.

Nakon zatvaranja biračkih mjesta, birački odbori pristupili su brojanju glasova i utvrđivanju rezultata izbora. Ovaj posao odrađen je u roku koji je utvrđen Odlukom o provođenju izbora u mjesnim zajednicama, pa su i preliminarni rezultati objavljeni istog dana na oglasnim tablama biračkih mjesta i službenoj stranici Grada Bihaća.

Na izbore su izašla 282 (slovima: dvijestotineosamdesetidva) birača.

U toku izbornog procesa nije bilo žalbi na povredu izbornog prava.

Komisija za provođenje izbora u mjesnim zajednicama je utvrdila da su ponovni izbori u mjesnoj zajednici Mali Lug provedeni u skladu sa Odlukom o provođenju izbora u mjesnim zajednicama („Službeni glasnik Grada Bihaća“ broj:2/22) i Uputstvom o radu biračkih odbora u postupku izbora članova savjeta i predsjednika mjesnih zajednica broj: 01-04-1138 od 22.03.2022. godine te predlaže da Gradsko vijeće Bihać donese Odluku kojom će se povrditi rezultati ponovnih izbora u Mjesnoj zajednici Mali Lug.

U prilogu vam dostavljamo imena kandidata koji su izabrani na ponovnim izborima u mjesnoj zajednici Mali Lug i koji su prihvatili mandat, sa ukupnim brojem osvojenih glasova, uz napomenu da je kandidat sa najvećim brojem dobivenih glasova ujedno predsjednik mjesne zajednice.

MZ MALI LUG (5 članova savjeta)			
RB	Ime (ime jednog roditelja) prezime	Status	Broj glasova
1.	Elvir (Vehbija) Čavkić	predsjednik	145
2.	Šefik (Mustafa) Kličić	član savjeta	125
3.	Almin (Enver) Keranović	član savjeta	115
4.	Sanela (Suljo) Begić	član savjeta	109
5.	Senad (Sead) Zulić	član savjeta	100

Komisija za provođenje izbora u mjesnim zajednicama:

Asmir Budimlić, predsjednik

Adis Dizdarić, član

Elmedin Mehadžić, član

Dijana Bišćević, član

Fersadeta Hadžić, član

Mirsad Zulić, član

Dostavljeno:

-Gradonačelnik Grada Bihaća

- Služba za poslove kabineta i mjesne zajednice

- Evidencija

- a/a.